

Pencinta SYURGA

LANDSKAP SYURGA

Senang bukan petanda hidup akan selalu bahagia. Sempit pula tidak semestinya selalu berakhir dengan perit. Kadangkala senang itu menyesakkan, sementara sempit pula menatijahkan seseorang rasa kecukupan dan kesyukuran yang tinggi kepada Tuhannya.

Tak kenal maka tak cinta. Ya, benar. Kali ini sama-sama tanyakan diri sejenak. Sudahkah ilmu selok-belok mengenai lokasi terbaik VIP kita sudah tahu sepenuhnya? Benarkah kita juga mengkajinya, bersiap-siap melakukan persediaan hingga sungguh-sungguh jatuh hati dan rindukannya?

Subhanallah, apa kata kali ini kita ulang kaji mengenai syurga agar bertambah kerinduan kepadanya, agar jelas jalan kita.

GAMBARAN

BINAAN

- Tanah diperbuat daripada za'faran (Riwayat al-Tirmizil), daripada tepung putih dan kasturi. (Riwayat Muslim)
- Lumpur diperbuat daripada kasturi.
- Dinding diperbuat daripada perak dan batu bata emas.
- Jumlah pintu sebanyak amal-amal kebaikan. Penggemar puasa akan dipanggil melalui pintu sedekah. Yang rajin mendirikan solat pula akan dipanggil melalui pintu solat.

PERHIASAN

- Perhiasan dan gelang daripada emas dan mutiara.
- Pakaian daripada sutera. (Surah al-Hajj 22: 23)

SIFAT PENGHUNI

- "Orang yang masuk syurga pasti berasa nikmat, tidak pernah sedih, pakaiannya tidak pernah usang dan selalu awet muda. Di syurga terdapat nikmat yang tidak pernah dilihat oleh mata, didengari telinga dan terlintas dalam fikiran manusia." (Riwayat Muslim)
- "Di sana mereka tidak mendengar percakapan yang sia-sia, mahupun menimbulkan dosa. Tetapi mendengar ucapan salam." (Surah al-Waqiah 25-26)
- "Pada hari Kiamat nanti ada malaikat yang menyeru, 'Wahai penduduk syurga, sesungguhnya kalian akan tetap sihat dan tidak akan pernah sakit. Kalian akan tetap hidup dan tidak akan pernah mati. Kalian akan tetap muda dan tidak akan pernah menjadi tua. Kalian akan tetap berasa nyaman dan tidak pernah berasa susah.' (Riwayat Muslim)
- "Mereka membuang air dalam bentuk keringat yang keluar daripada kulit yang beraroma kasturi. Sesudah itu perut mereka kembali mengempis." (Riwayat al-Nasai)
- Di syurga seseorang akan mempunyai anak seperti yang diinginkannya. Proses kehamilan, penyusunan hanya mengambil masa selama satu jam. (Riwayat Ibn Majah)

Terlalu banyak lagi gambaran keindahan dan kemewahan syurga. Cari dan senaraikan.

BUKTI CINTA

Untuk sampai di sesuatu lokasi, perlu tempuhi jalan-jalannya. Begitu juga, jika mengaku cinta dan mahu ke syurga, perlukan persediaan. Nah, inilah salah satu buktinya. Biasakan diri dengan sifat dan akhlak penghuni syurga. Ini sebahagian daripada akhlak mereka. Meski nampak mudah, namun kadang kala kita tewas untuk membiasakannya.

1 Menghidupkan Salam

Ucapan salam memang sarat dengan doa kebaikan. Di dunia lagi kita diajar dan dituntut untuk membiasakan ucapan penghuni syurga. Inilah istimewanya Islam.

Cukup indah apabila Mukmin melaziminya dengan ilmu. Mereka tahu, kalimah ini menjadi hiburan di syurga

2 Mencintai Majlis Ilmu

Di syurga nanti, tiada lagi ibadah puasa dan solat. Sebaliknya ia bertukar kepada ibadah zikir.

Jadi, cubalah untuk menyempatkan diri menghadiri majlis ilmu walau seibuk mana pun. Yang berhimpun di majlis ilmu (taman-taman syurga) itulah yang berkumpul kerana mengingati (berzikir) kepada Allah.

3 Berperibadi ceria

Emosi kita ada pasang surutnya. Namun biar kita yang mengawal emosi, bukan sebaliknya. Biasa-biasakan

tersenyum. Jika ditimpa masalah, ingatlah orang lain juga sama.

Mukmin perlu *steady* dengan apa jua takdir ujian Ilahi kerana tahu Allah yang mendatangkan sesuatu dan Dia jua yang menghilangkan sesuatu itu.

4 Berkata baik atau diam

Jauhkan daripada banyak mengeluh, membangkitkan perkara remeh apatah lagi mengata orang. Ungkapan penghuni syurga sifar daripada bicara yang sia-sia, noda dan dosa.

JANGAN HILANG SYURGA

Kehilangan dunia sungguh berat. Tetapi kehilangan syurga jauh lebih berat. Itulah yang diujar oleh Yahya bin Mu'adz.

Dunia ini tidak ubah seperti universiti seorang hamba. Akhirat pula menjadi hari bersejarah iaitu hari graduasi kita setelah menghabiskan silibus dan ujian kehidupan. Ternyata dengan adanya keyakinan diri terhadap perkara *ghaibiyat* inilah yang membuatkan kita sentiasa melihat masa depan.

Jika tiba-tiba berasa lemah dan lesu akibat penat dengan rutin kehidupan dunia, ingatlah syurga. Itulah sebaik-baik galakan dan motivasi yang tidak akan pernah pudar. Sungguh, banyak isu dalam kalam-Nya yang menjadi inspirasi dan motivasi. Syurga salah satu daripadanya! **Q**

facebook.com/WardahSafiah

zadilah@telagabiru.com.my

TARGET VIP

BIASA LAMA-LAMA
JADI LUAR BIASA.

DOA

DOA MOHON
KESELAMATAN

اللَّهُمَّ أَنْتَ السَّلَامُ وَمِنْكَ
السَّلَامُ تَبَارَكْتَ ذَا الْجَلَالِ
وَإِئْتِرَامِ

MAKSUDNYA:

"Ya Allah ya Tuhanku,
Engkau pemberi
keselamatan dan daripada-
Mu keselamatan, Engkau
telah memberi keberkatan,
Pemilik Keagungan dan
Kemuliaan." (Riwayat
Muslim)